

11) *C. massiliensis*.

Prope Riddersk rarus.

Callidium.7) *C. brevicolle* m.

Piceum, hirtum, thoracis lateribus medio subangulatis et unituberculatis.

Long. 5 lin; lat. $1\frac{1}{2}$ lin.

Livido piceum, parum nitidum, pilis longis griseis hirtum. Caput breve, porrectum, rugulosum, medio canaliculatum, clypeo reflexo. Oculi concolores. Antennæ dimidio corporis longiores. Thorax transversus, brevis, nitidus, antice truncatus, lateribus angulato dilatatus et tuberculo medii parvo, obtuso, lævi, insito, basi reflexo-arcuatus; supra vage, ad latera dense punctatus, nitidus, parum convexus. Scutellum triangulare, punctatum. Elytra thorace parum latiora et plus quadruplo longiora, linearia, apice rotundata; supra modice convexa, ruguloso-punctata, pilis brevioribus adpersa. Corpus subtus nitidum, vage punctulatum; pedes elongati, tenues, femoribus simplicibus, tibiis posterioribus plus minusve antrorsum inflexis (forsan monstrositas).

Forma thoracis fere *Saperdœ*.

Semel prope Ustkamenogorsk captus.

*Acanthocinus*4) *A. carinulatus* Eschscholtz in lit.

Lineari-elongatus, niger, cinereo-variegatus, thorace spinoso elytrisque ruguloso-punctatis, his apice truncatis.

Long. $4\frac{1}{2}$ — $5\frac{1}{2}$ lin; lat. $1\frac{1}{2}$ — 2 lin.

Ab *A. vario* differt statura longiore et angustiore; ab *A. griseo* colore, elytris apice truncatis, ab utroque punctura rugosiore